

**Qinngornerit ioninngortitsisartut pillugit aamma qinngornernut illersuuteqarnissaq
pillugu Inatsisartut Inatsisaannut nr. xx, ulloq xx. xx 2015-imeersumut siunnersuut**

Kapitali 1

Atuutsinneqarfissaa

§ 1. Inatsit manna atuutissaaq qinngornernik suugaluartunilluunniit atuinermi aamma sunniuteqartitsinerni qinngornernik sunniuteqartitsinernut tamanut atatillugu.

Imm. 2. Inatsimmi ilaatinneqanngillat qinngornerit pinngortitamit pisut imaanngippat imm. 3 tunngavigalugu allat ilanngunneqartut.

Imm. 3. Naalakkersuisut maleruaqqusanik aalajangersaasinnaapput ataasiakkaanut imaluunniit suussutsinut aqunneqarsinnaasunik pisoqartillugu peqqissutsimut tunngatillugu qinngornerit pinngortitamit pisut sunniuteqarsinnaasut ilanngunneqarnissaannut.

Imm. 4. Inatsimmut ilaatinneqanngillat sulisut, sulinermi avatangiisit pillugit inatsimmi ilaatinneqartut.

Imm. 5. Aatsitassarsiornermi ingerlatsinernut tunngatillugu akuersissutit aamma akuerineqarnerit Aatsitassat pillugit ingerlatallu tamatumunnga pingaarutillit pillugit Inatsisartut Inatsisaat (Aatsitassat Ikummatissanullu Inatsit) tunngavigalugu malittarisassiunneqassapput. Akuersissutini aamma akuerineqarnerni taakkunani inatsimmi matumani piumasaqaatigineqartunit annertunerusunik piumasaqaateqarnissanik aalajangersaasoqarsinnaavoq.

§ 2. Inatsimmi matumani makku imatut paasineqarput:

- 1) Sananeqaatit:
 - a) Sananeqaatit radioaktiviusut.
 - b) Røntgenimut aallaaviusut.
 - c) Partikelaccelerator.
- 2) Nakorsat misissuinerminni imaluunniit napparsimasumik nakorsaanerminni qinngornernik atuineraat, taakkununnga ilanngullugit inunnik anniaatikinnerulersitsiarluni iliuuseqarneq, makkununnga atatillugu:
 - a) Napparsimanermi.
 - b) Kigutinik misissuinermi.
 - c) Inuit sulinermut atatillugu nappaatigilersimasaannik misissuilluni suliaqarnermi.
 - d) Nappaateqalersimasinnaasunik misissuinerminik ingerlatsilluni suliaqarnermi.
 - e) Biomedicin tunngavigalugu ilisimatusarnerminik suliniuteqarnermi.
- 3) Pinngortitami sananeqaatit pissusissamittut piusut:
 - a) Sananeqaatit radioaktiviusut pinngortitami pissusissamittut piusut inuit iliuuseqarnerannit sunnerneqarsimannngitsut aammattaaq avataarsuanit qinngornerit.
- 4) Sananeqaatit radioaktiviusut:

- a) Sananeqaatit suulluunniit radionukliderinik ataatsimik imaluunniit arlalinnik akoqartut, taakku akui imaluunniit akoqassusiat qinngornernut illersornissaq eqqarsaatigalugu isiginngitsuusaarneqarsinnaanngitsut.
- 5) Init:
- a) Init imaluunniit tassunga atasumik attuumassuteqartut, tassa pilersitsinermut, atuinermut imaluunniit sananeqaatinik uninngatitsiviusut.
- 6) Røntgenimut aallaaviusut:
- a) Atortoq sakkortussusia tunngavigalugu assigiinngissut 5 kV-mik annertunerusumik røntgenip qinngorneranik aniatitsisoq.
- 7) Qinngornernut illersorneqarneq:
- a) Iliuuseqarnerit imaluunniit qinngornernut illersorniarluni qanoq iliornissamut piareersaatit, taakkununnga ilangullugit ajutoornissamut aamma pisoqarsinnaaneranut pinaveersaartsinerit kiisalu tamakku kingunerisassaannik annikillisitsiniarnerit.
- 8) Qinngornerit:
- a) Qinngornerit ioninngortitsisartut, tassa imaappoq nukissiat, tassaasut sananeqaatit minnerit imaluunniit maligaasat elektromagnetiskusut sunniutaat tassaasut toqqaannartumik imaluunniit toqqaannanngitsumik ionik pilersitsisinnaasut.
- 9) Atortut:
- a) Atortut atorneqartartut tassa sananeqaatinik atuinermi, taakkununnga ilangullugit maluginninniarnermut aamma uuttortaanermut atortut aammattaaq atortut qinngornernut illersuutaasut.
- 10) Taamatut siunertaqanngitsumik qinngorfiginninneq:
- a) Qinngorfiginninnerit inunnik, uumasunik aamma avatangiisink eqquisut saneqaatinik eqqortumik atuigaanni il. il. qaangiisumik eqquisoq, aammattaaq nakorsaanermi atuinermi qinngorfiginninneq tamanna siunertarisamik malunnaateqarluartumik assigiinngissuteqarpat.
- 11) Suliffeqarfik:
- Inuk inuttut imaluunniit inatsisitigut akisussaasoq, sananeqaammik piginnittutut imaluunniit nammineq atuisutut sananeqaammut akisussaasuusoq aamma taassuma atorneqarneranut, imaluunniit sulisitsisutut sulisunut akisussaasuusoq, taakku sulitinneqarpata sumiiffinni qinngornertalinni suliffeqarfipi allap akisussaaffigisaani.

Kapitali 2

Tulluartuunera aamma pitsasumik siunertaqarneq

§ 3. Qinngornernik atuineq tulluartuussaaq aamma pitsasumik siunertaqassaaq, tamanna imatut paasineqassaaq tassa peqqissutsimut, aningaasaqarnermut, inuiaqtigiiinnut imaluunniit atuinermi iluaqtissat allat tamatumunnga attuumassuteqartut nalorninartunut naligiisinneqassapput, taamatuttaaq qinngornernik sunniinerup pisinnaanera aamma annertussusia sapinngisamik annikinnerpaatinniarneqassaaq.

Imm. 2. Peqqissutsimut Naalakkersuisoqarfipi aalajangiiffigisinjaavaa qinngornernik atuineq imaluunniit sunnioneq aalajangersimasoq tulluartuunngitsutut nalilerlugu.

Kapitali 3

Akuersissut aamma nalunaarsuineq

§ 4. Sananeqaatinik radioaktiviusunik pilersitsineq, nunanit allanit eqqussuineq, nunanut allanut nioqquteqarneq, pigisaqarneq, atuineq, passussineq, tunniussineq, assartuineq aamma suujunnaartitsineq, taamatut iliornermi Peqqissutsimut Naalakkersuisoqarfimmit akuersisummik pigisaqartoqarnissa imaluunniit nalunaarsorneqarsimanaissaq piumasaqaataavoq.

Imm. 2. Naalakkersuisut maleruaqqusanik aalajangersaasinnaapput sananeqaatit radioaktiviusut qanoq ilinikkut aamma piumasaqaatit suut tunngavigalugit inatsimmi maleruaqqusanut akuersissuteqartoqarnissaanut imaluunniit nalunaarsorneqarnissamut piumasaqaatinut ilaatinneqannginnissaannut tunngasunik, aamma qanoq ilinikkut kiisalu atugassarititaasut suut tunngavigalugit sananeqaatit radioaktiviusut misissuiffigineqarnissamit pinngitsoortinnejarnissaannut tunngatillugu.

Imm. 3. Sananeqaatinik radioaktiviusunik inuussutissanut, uumasut nerisassaannut, tarngutinut kusanarsaatinut, pinnersaatinut aamma pinngussanut akuuineq, aammattaaq nioqqutissianik taamatut ittunik sananeqaatinik radioaktiviusunik akuneqarsimasunik eqqussuineq aamma avammut nioqquteqarneq inerteqqutaavoq.

§ 5. Atortunik røntgenimut aallaaviusunik aamma partikelacceleratorinik atuinissamut Peqqissutsimut Naalakkersuisoqarfimmit akuersissuteqartoqarnissa imaluunniit nalunaarnejarnissaq piumasaqaataapput.

Imm. 2. Naalakkersuisut maleruaqqusanik aalajangersaasinnaapput røntgenimut aallaaviusunik imaluunniit partikelacceleratorinik pigisaqarnermi Peqqissutsimut Naalakkersuisoqarfimmit akuersissuteqartoqarnissaanik imaluunniit tassunga nalunaarnejarnissamut piumasaqaateqartoqassanersoq.

Imm. 3. Naalakkersuisut maleruaqqusanik aalajangersaasinnaapput røntgenimut aallaavinnut atortut imaluunniit partikelacceleratorit ataasiakkaat imaluunniit suussutsit ataasiakkaat akuersissuteqarnissamut imaluunniit nalunaarnejarnissamut piumasaqaatinuit ilaatinneqannginnissaannut.

§ 6. Naalakkersuisut maleruaqqusanik aalajangersaasinnaapput ineriartortitsineq, pilersitsineq, ikkussuineq, aallartitsineq, misissuineq, sullissineq, passussineq aamma piiameq, tassa sananeqaatinik, ininik aamma atortunik, tamakku taamaallaat suliffeqarfinit Peqqissutsimut Naalakkersuisoqarfimmit akuersisummik tunineqarsimasunit suliarineqarsinnaanerannut tunngasumik.

§ 7. Peqqissutsimut Naalakkersuisoqarfipakuersissut tunineqarsimasoq imaluunniit nalunaarsorneqarsimaneq utertissinnaavaat imaluunniit sananeqaatinik atuinissamut

piumasaqaatinik allanngortitsisinnaavoq, tamanna teknologimi ineriarternermik tunngaveqarpat imaluunniit sananeqaatit atorneqartut pillugit nalorninartoqarnera pillugu nutaanik ilisimasaqalernermik tunngaveqarpat.

Kapitali 4

Qinngornernut illersuuteqarneq

§ 8. Sananeqaatit, init aamma atortut imatut suliarineqassapput, inissinneqassapput, pequsorsorneqassapput, aserfallatsaaliorneqassapput, nalunaarsorneqassapput aamma isumannaallisarneqassapput siunertaanngitsumik qinngorfiginninnissamut nalorninartut pisinnaanerata annertussusia sabinngisamik annikinnerpaatinniarneqarluni.

§ 9. Qinngornernik atuineq il. il. aamma eqqorneqarnissaq tamatumunnga ilanngullugit isumannaatsuunissaq, nakkutilliineq, misissuineq, assartuineq, suujunnaarsitsineq, upalungaarsimanermut iliuutsit aamma pitsaassutsimik qulakkeerininnnej isumalluutinik naammaginartunik atuineq tunngavigalugu imatut aaqqissuunneqassaaq, ingerlanneqassaaq aamma ingerlaavartumik nalilersorneqartassaaq, taamaaliornikkut qulakkeerneqassallutik qinngortinnissamut illersorneqarnissamut iliuutsit sunniuteqarluassallutik aamma naleqquuttuussallutik, taamaaliornikkut kukkunerit tamarmik imaluunniit amigaataasut paasineqarsinnaallutik aamma iluarsineqarsinnaallutik, kiisalu taamaattoqaqqinnissaa pinaveersaartinneqassalluni.

Imm. 2. Naalakkersuisut sukumiinerusunik maleduaqquasanik aalajangersaasinnaapput, pissutsinut imm. 1-imi taaneqartunut malittarisassaasunik.

§ 10. Peqqissutsimut Naalakkersuisoqarfik ataatsimut isiginnilluni taamatuttaaq piviusumik nalorninartunik naliliinerit tunngavigalugit sananeqaatinut, ininut aamma atortunut aammattaaq atuinermut il. il. kiisalu qinngornernik sunnertinnermut tunngatillugu piumasaqaateqarsinnaavoq.

§ 11. Inuit qinngornernik ioninngortitsisartunik atuisut il. il. ilisimatinneqassapput qinngornernik atuinermut il. il. aamma sunnertinnermut tunngatillugu mianersuutigisassat pillugit.

Imm. 2. Sulisut ilinniartinneqassapput aamma ilitsersorneqassapput suliaqarnermi qinngortinnissamut illersuuteqarnissap isumannaatsumik ingerlanneqarnissaanut tunngatillugu.

Imm. 3. Peqqissutsimut Naalakkersuisoqarfik piumasaqaatinik aalajangersaasinnaavoq sulisut taamaallaat immikkut ilinniagaqarsimasut, piginnaasaqartut imaluunniit misilittagaqartut kisimik qinngornernik atuinermi il. il. imaluunniit sumiiffinni qinngornertalinni sulisinnaanerannut tunngatillugu.

§ 12. Kinaluunniit qinngornernik atuinermi il. il. imaluunniit sumiiffinni qinngornertalinni inatsimmut ilaatinneqartuni atuisoq pisussaatitaavoq qinngornernut illersornissamut illiuutsit innersuunneqartut nakkutigissallugit.

§ 13. Sananeqaatinik atuinermi il. il., tassa Peqqissutsimut Naalakkersuisoqarfimmi **t** akuerineqarnissamik imaluunniit nalunaarsorneqarsimanissamut piumasaqaatitaqarfiuni, suliffeqarfimmi attuumassuteqartitsisoqassasoq qinngortinnissamut akisussaassuseqarluni ataqtigiissaarisumik Peqqissutsimut Naalakkersuisoqarfimmit akuerineqarsimasumik.

Imm. 2. Peqqissutsimut Naalakkersuisoqarfimmit ilanngullugu piumasaqaatigineqarsinnaavoq Peqqissutsimut Naalakkersuisoqarfimmit akuerineqarsimasumik qinngorernut illersorneqarnissamik immikkut ilisimasaqartumik attuumassuteqartitsisoqarnissaa.

Imm. 3. Qinngorernik nakorsaanermut atuisoqartillugu suliffeqarfimmut attuumassuteqartinneqassaaq Peqqissutsimut Naalakkersuisoqarfimmit akuerineqarsimasoq qinngorernut tunngatillugu inuk peqqinnissamut tunngasumik suliaqartoq aamma Peqqissutsimut Naalakkersuisoqarfimmit akuerineqarsimasoq qinngorernut akisussaasoq fysikeri.

Imm. 4. Peqqissutsimut Naalakkersuisoqarfip qinngorernut akisussaasumik fysikerimik piumasaqaatini saneqqussinnaavaa.

§ 14. Naalakkersuisut maleruaqqusaniq aalajangersaasinnaapput inunnik nakorsatut nakorsaanermut tunngasuunngitsumik misissuisinnaanernut qinngornerit atorlugit pinerlussimanermi nakorsat paasiniaanerannut, sillimmasiinermut, isumannaallisaanermut imaluunniit pissutsinut allanut atatillugu.

Kapitali 5

Annertussutsimik killiliineq aamma nakkutilliineq

§ 15. Naalakkersuisut maleruaqqusaniq aalajangersaassapput inuit qinngorernik sunnerneqarsinnaanerannut qanoq annertussuseqartitsinissamut tunngatillugu aamma tamatuminnga nakkutilliinermut maleruaqqusaniq.

Imm. 2. Uuttortaanermik suliaqartut imm. 1 tunngavigalugu nakkutilliinermik isumaginnittut Peqqissutsimut Naalakkersuisoqarfimmit akuerineqarsimassapput.

Imm. 3. Peqqissutsimut Naalakkersuisoqarfik inunnut tunngatillugu annertussutsit uuttorneqartarnerisa imm. 1 tunngavigalugu nalunaarsorneqarnissaannut akisussaasuuvooq.

§ 16. Naalakkersuisut maleruaqqusaniq aalajangersaasinnaapput annertussutsit qanoq annertutiginissaannut aamma inassuteqarnissat qaffasissusissaannut aammattaaq tamatuminnga nakkutiginnissamut maleruaqqusaniq.

Imm. 2. Peqqissutsimut Naalakkersuisoqarfik aalajangersaasinnaavoq uuttortaanermik suliaqartut imm. 1 tunngavigalugu nakkutilliisuuusut, taakku Peqqissutsimut Naalakkersuisoqarfimmit akuerineqarsimanissaannut tunngasunik.

§ 17. Peqqissutsimut Naalakkersuisoqarfik piumasaqaateqarsinnaavoq qinngornerit qaffasissusiannik nakkutilliinissamut sumiiffinni pissutsit nalinginnaasut tunngavigalugit sananeqaatinik radioaktiviusunik malussarfiusanngikkaluartuni.

Kapitali 6

Ajunaarnerit, ajutoornerit aamma arlaannik pisoqarnera

§ 18. Peqqissutsimut Naalakkersuisoqarfik ajunaarnerit, ajutoornerit aamma arlaannik pisoqartillugu, tamakku pillugit ingerlaannartumik nalunaarfigineqartassaaq, tassaasunik siunertarineqanngitsumik inuit qinngornernik eqqorneqarnerannik kinguneqarpata imaluunniit kinguneqarsinnaappata aammattaaq tillittoqarpat, allatut tammartoqarpat imaluunniit ikuallattoqarpat sananeqaatit radioaktiviusut ilanngunneqarlutik imaluunniit sananeqaatinik radioaktiviusunik nakkutigineqanngitsunik nassaartoqartillugu.

Stk. 2. Naalakkersuisut maleruaqqusanik aalajangersaasinnaapput ilisimatitsisoqarnissaanut piumasaqaateqarnermut tunngatillugu.

§ 19. Peqqissutsimut Naalakkersuisoqarfik pissutsit ataqtigiissumik aaqqissuussinertut isikkullit pillugit ilisimatinneqassaaq, taakku ataatsimut isiginilluni qinngorernut illersornissamut sunniuteqarsinnaappata.

§ 20. Peqqissutsimut Naalakkersuisoqarfip immikkut ilisimasallit upalungaarsimancerannik atuutsitsisuovoq, taakku ajutoornernut, ajunaarnernut imaluunniit sananeqaatinik atornerluinermut tunngatillugu ikorsiisinnaallutik.

Imm. 2. Naalakkersuisut maleruaqqusanik immikkut ilisimasallit upalungaarsimancerannut piumasaqaatinik sukumiinerusunik aalajangersaasinnaapput.

Kapitali 7

Nakkutilliineq

§ 21. Qinngornernik atuineq aamma sunnertitsineq Peqqissutsimut Naalakkersuisoqarfimmit nakkutigineqartuuvoq, taanna sukkulluunniit eqqartuussisut akuersissuteqarteqqaarnagit sananeqaatinut, ininut, atortunut, nalunaarsukkanut, atuagarsuarni imaqarnilianut, isumannaatsuunissamut aamma upalungaarsimanissamut pilersaarutinut upernarsaasersuutit il. il., taakkununnga tunngasut ilanngullugit isersinnaatinneqarpoq takunnissinnaatinneqarluni. Peqqissutsimut Naalakkersuisoqarfip nakkutilliinerminut atatillugu atortussiat attuumassuteqartut, taakkununnga ilanngullugit misissugassat misissorluagassaasut aamma upernarsaasersuutit suugaluartulluunniit tunniunneqarnissaat piumasaqaatigisinnaallugu, taamatuttaaq assiliviit atorlugit assinik imaluunniit upernarsaasersuutissanik allanik iliuuseqarsinnaalluni.

Imm. 2. Nakorsat napparsimasunik nakorsaallutik suliaqarnerannut atatillugu taamatuttaaq nakkutilliinermut ilaatinneqarsinnaapput, misissuisimanerit aamma napparsimasunik nakorsaasimanerit inernerinik paassisutissanik pissarsiaqarnissaq ilaatinneqarpoq.

Imm. 3. Inuit nakkutilliinermik suliaqartut uppernarsaammik takussutissamik peqartariaqarput.

§ 22. Peqqissutsimut Naalakkersuisoqarfimmit nalilerneqarpal innuttaasut isumannaatsuunissaasa imaluunniit peqqinnissaasa navianartorsiortinneqarnerat pinngitsoortinniarlugu pisariaqartumik iliuuseqarnissaq, taava taassuma qinngorernut illersorneqarnissaq qulakkeerniarlugu sukkulluunniit peqqussutigisinnaavai iliuuseqarnissat pisariaqartinneqartut.

§ 23. Peqqissutsimut Naalakkersuisoqarfik suliffeqarfip akiligassaanik aamma akisussaafigisaanik suliassat taamaattut kinguartinneqarsinnaanngitsut ingerlatsissinnaavai, taamaattut Peqqissutsimut Naalakkersuisoqarfimmit qinngorernut illersorneqarnissap qulakkeerneqarnissaanut pisariaqartutut isigineqarpata.

Kapitali 8

Peqqissutsimut Naalakkersuisoqarfik

§ 24. Peqqissutsimut Naalakkersuisoqarfik malinnaavoq aamma nalilersuivoq pissutsinut qinngorernik atuinermi aamma qinngorernut illersorneqarnissamut tunngasunut kiisalu siulliulluni iliuuseqarluni qulakkeerniarlugu innuttaasut, uumasut aamma avatangiisit pisariaqanngitsumik qinngorernik sunnerneqarnermik eqqorneqarnissaannut tunngatillugu, tamatumani mianerineqarput tulluartuunerat aamma pitsaasumik siunertaqarnerat kiisalu annertussutsimik killiliinermi ileqquusussat.

Imm. 2. Peqqissutsimut Naalakkersuisoqarfik sananeqaatinik aamma qinngorernik nakkutilliisunini naleqqussarpaa qinngorernik sunnerneqarnissap qanoq pisinnaaneranut aamma tamatuma aarlerinarsinnaaneranut.

Imm. 3. Peqqissutsimut Naalakkersuisoqarfimmit aalajangersarneqarput aamma qulakkeerneqarput illersorneqarnissamut iliuuseqarnissat naleqqussakkat, tassa qinngorernik immikkut pisoqartillugu peqqissutsimut malunnaateqartumik kinguneqarsinnaasunik.

Imm. 4. Peqqissutsimut Naalakkersuisoqarfimmit qinngorernut illersorneqarnissamut tunngatillugu oqartussaasut allat attaveqarfigineqarnissaat aamma suleqatigineqarnissaat pilersinneqarput.

Imm. 5. Peqqissutsimut Naalakkersuisoqarfik nunat tamalaat akornanni qinngorernut illersorneqarnissamut tunngatillugu suleqatigiinnermi peqataavoq.

§ 25. Naalakkersuisut maleruaqqusanik aalajangersaasinnaapput nakkutilliinermut, siunnersuinermut aamma ikiuilluni suliaqarnermut matussutaasussanik akitsuutinik akiliuteqartarnissamut maleruaqqusanik.

Imm. 2. Suliffeqarfiiit peqquneqarsinnaapput pisussaaffilerlugin Peqqissutsimut Naalakkersuisoqarfiup immikkut aningasartuuteqarneranut matussusiinissamut, tamakku unioqqutitsinernik paasineqartut kingunerisaannik pisimappata.

Kapitali 9

Naammagittaalliorningissamut periarfissaq aamma pillagaaneq

§ 26. Peqqissutsimut Naalakkersuisoqarfiup piumasaqaatai, naammasseqqusai aamma aalajangersagai inatsimmit matuminnga tunngaveqartut allaffissornikkut oqartussaasunut allanut ingerlateqqinnejqarsinnaanngillat.

§ 27. Inatsimmik matuminnga aamma inatsisip malitsigisaanik allaffissornikkut maleduaqqusalianik unioqqutitsineq pillammik akiliisitsinermik Kalaallit Nunaanni pinerluttulerinermik inatsit malillugu pineqaatissinneqarnermik kinguneqassaaq.

Imm. 2. Immikkut sakkortunerusumik pissutissaqartoqarpat Kalaallit Nunaanni pinerluttulerinermik inatsit malillugu pineqaatissiisoqassaaq.

Imm. 3. Unioqqutitsinerit aktieselskabinit, piginneqatigiiffinnit anpartsselskabinit aamma andelsselskabinit imaluunniit assigisaannit, piginneqatigiiffik taamaattuunini tunngavigalugu akiliisitsinermik pineqaatissinneqarsinnaavoq. Namminersorlutik Oqartussat, kommunit imaluunniit kommunit ingerlataat unioqqutitsisuuppata, taava Namminersorlutik Oqartussat, kommunit imaluunniit kommunit ingerlataat akiligassinneqarlutik pineqaatissinneqarsinnaapput.

Imm. 4. Pillaatitut akiligassanngortinneqartut, inatsit manna malillugu imaluunniit maleduaqqusat inatsisip matuma kingunerisaanik aalajangersarneqartut tunngavigalugit pineqaatissiissutaasut Nunatta karsianut nakkartinneqartassapput.

Kapitali 10

Atortuulersitsinermut aamma ikaarsaariarnermi aalajangersakkat

§ 28. Inatsisartut Inatsisaat ulloq, 1. februaari 2016 atuutilerpoq

Kalaallit Nunaanni Namminersorlutik Oqartussat, ulloq xx.xx.xxxx

Kim Kielsen